


帝王譜略國朝紀

二

K093  
#30  
(26)

175759

群馬県立  
図書館



K093  
#30  
(26)



# 帝王譜略國朝紀

## 東涯伊藤先生傳

先生諱長胤。字原藏。原或作元。京師人。仁齋長子也。號東涯。又慥慥齋。三四歲能知字。仁齋常警戒子弟曰。汝等立志。須期為第一等人。及長。博聞強記。善屬文。湛深經術。克繼述家學。為人沉靜寡默。恭儉謹慎。口不言人過。紀伊侯聞其名。聘之。不就。臺閣公卿。往往來執弟子禮。當是之時。俊傑輩出。各豎旗幟於一方。互相詆排。而先生遺文中。無有一語及他學術者。嘗麟嶼。初學于物茂卿。心鄉往先生。遂負笈赴之。茂卿固不以為意。太宰純心

甚不平。各有贈言。麟嶼造先生出眎之。先生笑曰。物先生襟度廓如。可想見。太宰子亦慷慨有氣節。其溫厚不與物競。蓋如此。人有乞紙筆。則無論貴賤長少。皆立應之。又無他嗜好。終日矻矻。手未嘗釋卷。每有所得。則劄錄之。著述等身。皆天下有用之書也。元文元年。年六十七卒。私謚曰紹述先生。內大臣華山公常雅銘之。中納言防城俊將篆額。右中將八條英朝書。世以榮之。有紹述文集三十卷。行于世。子善紹嗣。子孫世承先業。不隕家聲。至今住其舊宅云。

論曰。先生以篤學實行自任。詩文則其緒餘而已。而以余觀之。其詩文雖專門名家。殆有不能及焉者。蓋蘊於內。而溢於外。所謂有德者。必有言者歟。仁齋之學。得先生補苴。而益隆。子孫至今。不隕家聲。先生紹述之功。可謂盛矣。當時源白石物徂徠。頗推尊先生。則其學德。不待論而知也。

安中城主板倉勝明子赫撰

帝王譜畧國朝紀

平安 伊藤長胤 輯

神武天皇 御諱狹野。又號神日本磐余彥尊。鸕鷀草

葦不合尊第四子。母曰玉依姬。帝以庚午歲生。周桓

年。甲申歲立為太子。年十五甲寅歲。年四日州起兵。悉

滅賊衆。遂以辛酉歲。年五建都于和州畝傍山。曰橿

原宮。即天皇位。在位七十六年而崩。壽一百二十七。

葬畝傍山東北陵。

元年辛酉。丁周惠王十七年。魯閔公二年。至今元

衆一作

祿二年己巳二千三百四十九年。

綏靖天皇 御諱神亭。又號神渟。名川耳天皇。神武第

三子。母曰踏鞴五十鈴媛。神武四十二年立為太子。

年十神武崩。庶兄手研耳命預政事。圖害二弟。帝不

能即位。乃與兄神八井耳命謀殺之。未即帝位。凡三

年。庚辰歲。遂即天皇位。在葛城高丘宮。在位三十三

年。通前共三十六年。壽八十四。葬倭桃花鳥田丘上

陵。

元年庚辰。丁周簡王五年。魯成公十年。至今二千

二百七十年。

三十一年庚戌。周靈王二十年。孔子生于魯。上去

神武元年。凡百一十年。

安寧天皇 御諱磯城津彥玉手看。綏靖太子。母曰五

十鈴依姬。即位遷都和州片塩。在浮孔宮。在位三十

八年。壽五十七。葬畝傍山南御陰井上陵。

元年癸丑。丁周靈王二十四年。魯襄公二十五年。

至今二千二百三十七年。

懿德天皇 御諱大日本彥耜友。安寧第二子。母曰渟

在葛城高丘宮六字一作遷都  
和州葛城  
在高丘宮

名底仲姬。卽位遷都于和州高市郡輕地。在曲峽宮。  
在位三十四年。壽七十七。葬畝傍山南織砂溪上陵。  
元年辛卯。丁周敬王十年。魯昭公三十二年。至今  
二千百九十九年。

三十二年壬戌。孔子卒。詳具漢朝。

孝昭天皇 御諱觀松彥香殖稻懿德太子。母曰天豐  
津姬。卽位遷都于和州葛城郡掖上。在池心宮。未卽  
位一年。在位八十三年。壽百十五。葬掖上博多山上  
陵。昭。或作照。

元年丙寅。丁周元王元年。至今二千百六十四年。  
孝安天皇 御諱大日本足彥國押人。孝昭第二子。母  
曰世襲足媛。卽位。遷都于和州葛城上郡室地。在秋  
津島宮。在位一百二年。壽一百三十七。葬玉手丘上  
陵。

元年己丑。丁周安王十年。至今二千八十一年。  
孝靈天皇 御諱大日本根子彥太瓊。孝安太子。母曰  
姉押姬。遷都于和州城下郡黑田。在廬戶宮。卽帝位。  
在位七十六年。壽一百二十八。葬片丘坂陵。

元年辛未。丁周赧王二十五年。至今一千九百七十九年。

孝元天皇 御諱大日本根子彥國牽。孝靈太子。母曰細媛。即位。遷都于輕地。在境原宮。在位五十七年。壽百十六。葬劔池島上陵。

元年丁亥。丁秦始皇二十三年。至今一千九百三十九年。

開化天皇 御諱稚日本根子彥太日日。孝元第二子。母曰鬱色謎命。即位。遷都于和州添上郡春日地。在

率川宮。在位六十年。壽一百一十一。葬率川坂本陵。

元年甲申。丁漢文帝後元七年。至今一千八百四十六年。

崇神天皇 御諱御間城入彥五十瓊殖。開化第六子。母曰伊香色謎命。即位。遷都于和州高市郡磯城。在瑞籬宮。在位六十八年。壽百十九。葬山邊道上陵。

元年甲申。丁漢武帝天漢四年。至今一千七百八十六年。

垂仁天皇 御諱活目入彥五十狹茅。崇神第二子。母

曰御間城姬。即位。遷都于和州城上郡纏向。纏一作卷。

珠城宮。在位九十九年。壽百四十一。葬菅原伏見陵。

元年壬辰。丁漢成帝建始四年。至今一千七百十八年。

八十六年丁巳。始通中國。後漢光武皇帝中元二年也。至今千六百三十有三年。

景行天皇 御諱大足彥忍代別。垂仁第三子。母曰日

葉洲媛命。即位于纏向。在日代宮。後復遷都于江州

志賀郡。在高穴穗宮。在位六十年。壽一百六。帝以垂仁十七

年生當一百四十三。葬山邊道上陵。

元年辛未。丁後漢明帝永平十四年。至今一千六百十九年。

成務天皇 御諱稚足彥。景行第四子。母曰八坂入姬

命。在位六十一年。壽一百九。葬狹城活別陵。

元年辛未。丁後漢順帝永建六年。至今一千五百五十九年。

仲哀天皇 御諱足中彥。景行孫。日本武尊第三子。母

曰兩道入姬命。垂仁之女。即位欲討築紫叛賊熊襲。遷于

長州穴門在豐浦宮。遂崩于築紫。在位九年。壽五十。  
二葬殖香長野林陵。

元年壬申。丁後漢獻帝初平三年。至今一千四百九十八年。

神功皇后 御諱息長足姬。開化五世孫。息長足宿禰王女。乃仲哀天后也。仲哀崩。卽位。臨朝聽政。遷都于和州十市郡磐余。在稚櫻宮。在帝位六十九年。壽一百歲。葬狹城盾列陵。

元年辛己。丁後漢獻帝建安六年。至今一千四百

八十九年。

應神天皇 御諱譽田仲哀第四子。母曰神功皇后。卽位。遷都于和州高市郡輕島。在豐明宮。在位四十一年。壽百十一。葬殖香藻郎忠陵。至清和帝時。立祠城州雄德山。爲八幡宮。

元年庚寅。丁晉武帝泰始六年。至今一千四百二十年。

仁德天皇 御諱大鷦鷯。應神第四子。母曰仲姬。應神崩。帝與弟菟道稚郎子相讓。不登帝位。二年。稚郎子

漸和云云十五字。一作欽明帝時立祠。豐州字左爲入讀。

遂自裁。帝卽皇位。遷都于攝州難波。在高津宮。仁儉愛民。天下富庶。在位八十七年。壽百十歲。葬百舌鳥耳原陵。

元年癸酉。丁晉愍帝建興元年。至今一千三百七十七年。

履中天皇。御諱去來穗別。仁德太子。母曰皇磐之媛。命遷都磐余。在稚櫻宮。在位六年。壽七十。葬百舌鳥耳原陵。

元年庚子。丁東晉安帝隆安四年。至今一千二百九十年。

反正天皇。御諱瑞齒別。仁德第三子。履中同母弟。卽位。遷都于河州丹比。在柴籬宮。在位六年。壽六十。葬百舌鳥耳原陵。

元年丙午。丁東晉安帝義熙二年。至今一千二百八十四年。

允恭天皇。御諱雄朝津間稚子。仁德第四子。反正同母弟。遷和州。在遠明日香宮。在位四十二年。壽八十。葬殖香長野陵。

元年壬子。丁東晉安帝義熙八年。至今一千二百七十八年。

安康天皇 御諱穴穗允恭第二子。母曰忍坂大中姬。允恭崩。兄木梨輕皇子殘虐民畔。帝廢之。卽位。遷都于和州山邊郡石上。在穴穗宮。帝之叔父大草香皇子。因讒起兵而敗死。帝納其妾中蒂姬。其子眉輪王亦在內。遂遭弒。在位三年。壽五十三。葬菅原伏見陵。元年甲午。丁宋孝武帝孝建元年。至今一千二百七十三年。

下三季作

雄略天皇 御諱泊瀨允恭第五子。安康同母弟。誅眉

輪王。及殺二兄坂合八鈞。卽位于和州泊瀨。

城上郡在

朝倉宮。帝性殘忍好殺。爲政酷虐。至末年稍安。在位二十三年。壽九十三。葬丹比高鴛原陵。

元年丁酉。丁宋孝武帝大明元年。魏文成太安三年。至今一千二百三十三年。

清寧天皇 御諱白髮武廣國稚日本根子。雄略第三

子。母曰韓媛。都于和州磐余。在甕栗宮。在位五年。壽四十一。葬稚田原陵。

華下。一有河州字。

元上二字  
集六

元年庚申。丁南齊高帝建元二年。魏孝文大和四  
年。至今一千二百十年。

顯宗天皇 御諱弘計。履中孫。市邊押羽皇子子也。市  
邊為雄畧所殺。帝與兄仁賢逃。在播州國司。聞于清  
寧。清寧無子。遂入宮為皇子。清寧崩。兄弟相讓。不即  
位。乃立皇姊飯豐為天子。未幾歿。號飯豐天皇。仁賢  
固辭位。於是帝始纂大統。在和州近明日香八鈞宮。  
帝備嘗艱難。知民所依。故即位。蠲役省徭。五穀豐饒。  
在位三年。壽四十八。葬片山岡磐築丘山陵。

元年乙丑。丁南齊武帝永明三年。魏孝文大和九  
年。至今一千二百五年。

仁賢天皇

御諱大脚。號億計天皇。顯宗之兄。

一曰顯宗弟然

清寧養二帝為子。立仁賢為太子。則當兄也。

都石上。在廣高宮。國家無虞。家給人足。在位十一年。壽五十。葬埴生坂本陵。

元年戊辰。丁南齊武帝永明六年。魏孝文大和十  
二年。至今一千二百二年。

武烈天皇 御諱小泊瀨稚鷓鴣。仁賢太子。母曰春日  
大姬。都泊瀨。在列城宮。帝性淫虐。嗜酒耽色。殺戮無

厭天下怨畔。在位八年。壽五十七。無嗣。仁德之胤。至是絕。葬

山岡磐築丘上陵。

元年己卯。丁南齊東昏侯永元元年。魏孝文大和二十三年。至今一千九十一年。

繼體天皇 御諱男大迹。應神五世孫。應神生二派皇

子。二派生太郎子。郎子生彥主人王。彥主即皇考也。

一云。應神生私斐王。私斐王生彥主人王。武烈崩。無嗣。群臣議迎帝于越

前立之。即位。遷都于城州筒城。復遷于乙訓。城州。遂在

磐余王穗宮。在位二十五年。壽八十二。葬二島藍野

陵。

元年丁亥。丁梁武帝天監六年。魏宣武正始三年。至今一千一百八十三年。

壬子癸丑二年。安閑未即位。一日。繼體在位二十七年。

安閑天皇 御諱勾大兄。繼體太子。母曰國子媛。即位。

遷都和州勾金橋宮。高市郡。在位二年。壽七十。葬河州

古市高屋陵。

元年甲寅。丁梁武帝中大通六年。魏孝武永熙三

年。東魏孝靜天平元年。至今一千一百五十六年。

宣化天皇 御諱高田安閑同母弟。即位。遷都于和州。

檜隈。在廬入野宮。高市郡。在位四年。壽七十五。葬身狹

桃花鳥坂上陵。

元年丙辰。丁梁武帝大同二年。西魏大統二年。東

魏天平三年。至今一千百五十四年。

欽明天皇 御諱天國排闥廣庭。宣化之弟。母曰手白

香皇后。即位。遷都于和州磯城島。在金刺宮。山邊郡。在

位三十二年。壽六十二。葬檜隈坂合陵。

元年庚申。丁梁大同六年。西魏大統六年。東魏興

和二年。至今一千百五十年。

敏達天皇 御諱淳中倉太珠敷。欽明第二子。母曰石

姬。宣化皇女。即位。遷都和州磐余。諱語田。在幸玉宮。在位

十四年。壽四十八。葬河州磯長陵。

元年壬辰。丁陳宣帝大建四年。北齊後主武平三

年。周武帝建德元年。至今一千百十八年。

用明天皇 御諱橘豐日。欽明第四子。母曰堅塩媛。即

位。仍都于磐余。在池邊雙槻宮。在位二年。壽六十九。

葬磐余池上陵。

元年丙午。丁陳後主。至德四年。隋文帝開皇六年。至今一千百四年。

崇峻天皇。御諱泊瀨部。欽明第十五子。母曰小姊君。卽位在和州十市郡倉橋宮。時大臣蘇我馬子專權。遂遣勇士弑帝于寢所。在位五年。壽七十三。葬倉橋岡上陵。

元年戊申。至今千百二年。

推古天皇。御諱額田部。欽明中女。敏達之后也。母曰

堅塩媛。崇峻崩。馬子立之。卽帝位。遷都于和州高市郡小墾田宮。后以女主立皇姪豐聰爲太子。監軍國事。太子聰穎甚好佛法。定官制法。國家倚賴。薨諡聖德太子。用明天皇之子。或號厩戶皇子。或稱入耳皇子。監國二十九年薨。年四十九。后在位三十六年。壽七十三。葬越智陵。

元年癸丑。丁隋文帝開皇十三年。至今一千九十七年。

舒明天皇。御諱田村。敏達孫。押坂彥主皇子之子。推古崩。大臣蘇我蝦夷等。以顧命立之。卽位。遷都于和

州飛鳥岡本宮。高市郡在位十三年。壽四十九。葬押坂

陵。

元年己丑。丁唐太宗貞觀二年。至今一千六十一年。

皇極天皇 御諱寶敏。達曾孫。押坂皇子孫。茅渟王之

子。為舒明之后。舒明崩。即帝位。在飛鳥清見原宮。時

大臣蝦夷及入鹿秉政專權。窮奢極侈。僭逆無度。中

臣鎌足。即大織冠。藤氏之祖。與皇子中大兄。天智天皇。謀殺入鹿。遂

滅其族。帝乃欲讓位于中大兄。大兄固辭。遂讓位于

輕皇子。自稱皇祖。為本朝讓位之始。在位三年。

孝德天皇 御諱輕。皇極同母弟。受內禪。即位。始建元。

遷都于攝州長柄。在豐崎宮。在位十年。壽十。葬磯

長陵。

元年乙巳。丁唐貞觀十九年。至今一千四十五年。

大化五。白雉五。

齊明天皇 即皇極天皇也。孝德崩。復即帝位。遷都于

飛鳥。在板蓋宮。後在岡本宮。在位七年。不建元。時百

濟為唐所破。將吏請立王子豐璋。時為質。在日本。為王。帝許

之。因幸於土州。遂崩于朝倉宮。壽六十八。葬越智大堀間陵。

元年乙卯。丁唐高宗永徽六年。至今一千三十五年。

天智天皇 御諱葛城。初稱中大兄皇子。亦謂開別皇子。舒明太子。母乃齊明天皇也。齊明崩。未卽帝位。六年。乃卽位。遷都于江州志賀郡。在大津宮。帝性英斷。好學勵治。朝儀國憲。多所創立。爲國朝中興之祖。在位十年。壽五十八。葬城州山階陵。

元年壬戌。丁唐高宗龍朔二年。至今一千二十八年。

天武天皇 御諱大海人。天智同母弟。爲皇太弟。天智崩。大友皇子嗣位。天武辭位。入吉野山。旣而大友遣人覘之。將害帝。帝起義兵。大友敗死。於是卽位于飛鳥淨見原宮。在位十五年。制法定位。改服頒姓。復建元。壽六十四。葬高市懸大內陵。

元年壬申。丁唐高宗咸亨三年。至今一千一十八年。朱雀元。白鳳十三。朱鳥一。

持統天皇 御諱兒野天智第二女爲天武之后每輔

天武多預朝政天武崩后臨朝聽政五年即帝位遷

居和州藤原宮高市郡在位十年讓位于輕皇子自號

太上皇後六年而崩壽五十八火葬安古山陵

元年丁亥丁唐武后垂拱三年至今一千三年

仍朱鳥自二至九大化二諸書無仍用朱鳥之文且不載大化號大化元年

德時既有之今從皇年代記始入之

文武天皇 御諱輕又作珂瑠天武孫草壁太子謚岡本天

皇之子母乃元明天皇也受持統讓即位後遷都于

和州平城在位十一年壽二十五火葬安古山陵

元年丁酉丁周神功元年至今九百九十三年不改

元四大寶三慶雲四

元明天皇 御諱阿閉天智皇女草壁太子妃文武母

后也文武崩以遺詔即帝位初在藤原宮後遷平城

在位七年讓位于皇女飯高後七年而崩壽六十一

葬椎山陵

元年戊申丁唐中宗景龍二年至今九百八十二

年 和銅七

元正天皇 御諱飯高。後更氷高。天武孫。文武同母姊也。受元明禪。卽帝位。在位九年。傳位於太子首。後二十五年而崩。壽六十八。葬佐保陵。

元年乙卯。丁唐玄宗開元三年。至今九百七十五年。靈龜二。養老七。

聖武天皇 御諱首。文武太子。母曰藤原宮子。不比女。帝卽位。甚好佛。創寺崇僧。為斷屠禁。後遷都于難波。在位二十五年。讓位於太子阿倍。自稱太上皇。獲髮為僧。號勝滿。後八年崩。壽五十八。葬佐保陵。

元年甲子。丁唐開元十二年。至今九百六十六年。

神龜五。天平二十。天平感寶。卽勝寶元年。

孝謙天皇 御諱阿倍。聖武皇女。母曰光明皇后。宮子之妹。

受聖武禪。卽位。在位十年。讓位於大炊王。薙髮為尼。號法基。或號高野天皇。

元年己丑。丁唐天寶八年。至今九百四十一年。

天平勝寶八。天平寶字二。

淡路廢帝 御諱大炊。天武孫。舍人親王。諡崇道。盡敬皇帝。之

子。受孝謙禪。卽位。遷都于江州保良。太后寵藤原押勝。

崩下。一。作在  
十八年。壽三  
十三。

又幸僧道鏡。押勝不安。起兵敗死。道鏡寵遇日甚。帝  
諫之。太后不說。后乃謂。帝與押勝通謀。將害后。遣兵  
詰闕。廢帝為淡路公。流于淡州。尋崩。壽二十三。在位  
六年。

元年己亥。丁唐肅宗乾元二年。至今九百三十一  
年。仍天平寶字。自二六。至八六。

稱德天皇。即孝謙天皇也。廢淡路公。復即帝位。居平  
城。后性滯恣。道鏡益寵。將讓帝位。授法王號。令受百  
寮朝賀。稱弓削法皇。在位五年。壽五十二。葬和州高

野山陵。

元年乙己。丁唐代宗永泰元年。至今九百二十五  
年。天平神護二。神護景雲三。

光仁天皇。御諱白壁。天智孫。施基皇子。諡田原第六

子。逮事聖武。稱德。累官至大納言。稱德崩。大臣永手  
不比等。子。等。定策。即帝位。仍都平城。在位十二年。讓位於  
太子山部。尋崩。壽七十三。葬廣岡陵。

元年庚戌。丁唐代宗太曆五年。至今九百二十年。  
室龜十一。天應一。

桓武天皇 御諱山部光仁太子。母曰高野夫人。受光仁禪。卽位。定都于城州乙訓郡長岡。號平安宮。爲萬世不易之帝都。在位二十四年。壽七十。葬柏原陵。故謂柏原天皇。

元年壬戌。丁唐德宗建中三年。至今九百八年。延曆二十四。

平城天皇 御諱安殿。桓武太子。母曰皇后藤原乙牟漏。帝好學賦詩。勵精政治。在位四年。以疾讓位太弟神野。居平城。平城亦號奈良。故稱奈良天皇。既禪位。因寵姬

藥子謀。圖再卽位。故與嵯峨有隙。淳和卽位。尊爲前太上天皇。天長元年崩。壽五十一。葬楊梅陵。

元年丙戌。丁唐憲宗元和元年。至今八百八十四年。大同四。

嵯峨天皇 御諱神野。一作賀美能。桓武第二子。平城同母弟。帝好學能詩。尤精書法。且好畋獵。乘輿屢駕。在位十四年。讓位皇太弟大伴。居嵯峨。承和九年崩。壽五十八。葬嵯峨院北山地。

元年庚寅。丁唐憲宗元和五年。至今八百八十年。

弘仁十四。

淳和天皇 御諱大伴桓武第三子。母曰藤原旅子。受  
嵯峨禪。即帝位。帝嗜詩善書。群臣亦好學。在位十年。  
讓位於太子正良。居西院。故號西院帝。承和七年崩。  
壽五十五。遺詔火葬。

元年甲辰。丁唐穆宗長慶四年。至今八百六十六  
年。天長十。

仁明天皇 御諱正良。嵯峨第二子。母曰檀林皇后。橘  
氏。受淳和禪。即位。帝性聰敏。好學善書。兼通音樂。射

藝一作御

醫術。亦畧練習。緩獄賑窮。天下大治。在位十七年。  
壽四十一。葬深草山陵。故又稱深草帝。

元年甲寅。丁唐文宗大和八年。至今八百五十六  
年。承和十四。嘉祥三。

文德天皇 御諱道康。仁明太子。母曰藤原順子。稱五條后。  
即位。勵精政事。不好游獵。然以多病。不幸早歿。在位  
八年。壽三十二。葬田邑山陵。故稱田邑帝。

元年辛未。丁唐宣宗大中五年。至今八百三十九  
年。仁壽三。齊衡三。天安二。

古  
雨  
亭  
叢  
書

卷

清和天皇 御諱惟仁。文德第四子。母曰藤原明子。號

殿。文德欲以惟喬為太子。以帝外祖良房。諡忠仁公。秉政

專權。故立帝為嗣。九歲即位。在位十八年。讓位太子

貞明。號太上天皇。後薙髮為僧。號素真。元慶四年崩。

壽三十一。火葬。置骨水尾山。故號水尾帝。水尾山。帝

元年己卯。丁唐宣宗大中十三年。至今八百三十

一年。貞觀十八。

陽成天皇 御諱貞明。清和太子。母曰藤原高子。號

年十歲。受清和禪。即位。帝性凶狠。好為騎馳。昵近小

人。殺戮無辜。在位八年。大臣藤基經。諡昭諫不聽。遂

廢為太上天皇。在陽成院。時年十七。天曆三年崩。壽

八十二。

元年丁酉。丁唐僖宗乾符四年。至今八百十三年。

元慶八。

光孝天皇 御諱時康。仁明第三子。母曰藤原澤子。歷

事文德。清和陽成。階至一品。任式部卿。陽成遜位。基

經迎帝立之。時年五十五。基經為關白。百官先啓後

聞。帝好和歌。天下競習。在位三年。崩于仁壽殿。壽五

十八。葬小松山陵。號小松帝。

元年乙巳。丁唐僖宗光啓元年。至今八百五十年。

仁和二。

宇多天皇

御諱定省。光孝第三子。母曰皇后班子。

野仲

親王之女。在位十年。讓位于太子敦仁。居朱雀院。號亭子。

院。後薙髮為僧。號金剛覺。世稱寬平法皇。法皇稱。承如此。

平元年崩。壽六十五。火葬大內山陵。

元年戊申。丁唐僖宗文德元年。至今八百二十年。

仍用仁和四。一。寬平九。

醍醐天皇

御諱敦仁。初名維城。字多太子。母曰藤原

胤子。受宇多禪。即位。以大臣藤時平昭宣之議。貶丞

相菅道真於筑紫。在位三十三年。讓位太子寬明。尋

崩。壽四十六。葬後山科陵。

元年戊午。丁唐昭宗光化元年。至今七百九十二年。

昌泰三。延喜二十二。延長八。

朱雀天皇

御諱寬明。醍醐十一子。母曰藤原胤一作

子。昭宣女。受醍醐禪。即位。時藤純友起于豫州。平將門

桓武五世孫。自號平親王。又稱新皇。起于常州。二賊競起。天下騷擾。王

師征討。終克平之。帝在位十六年。讓位皇太弟成明。  
薙髮號佛陀壽。尋崩。壽三十。葬北野陵。

元年辛卯。丁後唐明宗長興二年。至今七百五十  
九年。承平七。天慶九。

村上天皇。御諱成明。醍醐第十四子。朱雀同母弟。受

朱雀禪。卽位。帝性穎悟。嗜詩善歌。後幸登子。朝政始

衰。登子皇兄重明親王之妃。皇后安子之在位二十

一年。壽四十二。葬村上陵。

元年丁未。丁五代漢高祖天福十二年。至今七百

四十三年。

天曆十。天德四。應和三。康保四。

冷泉院。御諱憲平。村上第二子。母曰中宮安子。藤師

帝十八卽位。多病不視朝。大臣秉權。在位二年。讓位

於皇太弟守平。號太上天皇。寬弘八年崩。壽六十一。

葬櫻本乾原。

元年戊辰。丁宋太祖開寶元年。至今七百三十二

年。安和二。

圓融天皇。御諱守平。村上第五子。冷泉同母弟。帝甚

信佛乘。在位十五年。讓位太子師貞。薙髮為僧。號金剛法。捨身圓融寺。正曆二年崩。壽二十三。火葬置骨村上陵傍。

元年庚午。丁宋太祖開寶二年。至今七百二十年。

天祿三。天延三。貞元二。天元五。永觀二。

華山院

御諱師貞。冷泉太子。母皇后懷子。謙德公藤伊尹女。

受圓融禪。即位。既而帝所寵藤恒子。弘徽殿病卒。帝

思慕不已。薙髮為僧。捨身花山寺。號入覺。時十九。稱

花山法皇。後通鷹司四君。藤伊周與其姊三君通。疑

之。將射帝。坐貶筑紫。寬弘五年崩。壽四十一。

元年乙酉。丁宋太宗雍熙二年。至今七百五年。

寬和二。

一條院。御諱懷仁。圓融太子。母曰東三条院詮子。藤

家女。在位二十五年。以病讓位太子居貞。尋崩于一條

院。壽三十二。火葬置骨圓城寺。

元年丁亥。丁宋太宗雍熙四年。至今七百三年。

永延二。永祚一。正曆五。長德四。長保五。

寬弘八。

一。二。作。

甘肅通志

三條院

御諱居貞冷泉第三子。母曰贈皇后超子。藤

家女在位三年。以目疾讓位太子敦成。寬元元年崩于

三條院。壽四十二。

元年壬子。丁宋真宗大中祥符五年。至今六百七

十八年。長和五。

後一條院

御諱敦成。一條第二子。母曰上東門院彰

子。藤道長女時道長秉權。累世專政。闔族繁榮。藤氏之盛。

於是為盛。在位二十年。壽二十九。火葬置骨淨土寺。

元年丁巳。丁宋真宗天僖元年。至今六百七十三

年。

寬仁四。治安三。萬壽四。長元九。

後朱雀院

御諱敦良。一條第三子。後一條同母弟。帝

性雖英明。賴通道長子專權。不得有為。在位九年。讓

位太子親仁。尋崩。壽三十七。火葬置骨圓教寺。

元年丁丑。丁宋仁宗景祐四年。至今六百五十三

年。長曆三。長久四。寬德二。

後冷泉院

御諱親仁。後朱雀太子。母曰贈皇后嬉子。

道長女。受後朱雀禪即位。時安倍賴時叛起于奥州。遣

十雨書

帝王譜略國朝紀

五

一作源賴義爲奧州太守討之。賴時敗死。其子貞任

復起。賴義與其子義家。遂討破之。東垂悉平。起永承六年終

康平五年。帝在位二十三年。壽四十四。火葬置骨仁和尚寺。

元年丙戌。丁宋仁宗慶曆六年。至今六百四十四年。

永承七。天喜五。康平七。治曆四。

後三條院 御諱尊仁。後朱雀第二子。母曰陽明門院

禎子。三條院女。帝好學。師江匡房。且信佛教。卽位抑世家。

理冤訟。不期年。化行民悅。在位四年。讓位太子貞仁。

明年崩。壽四十。火葬置骨禪林寺。

元年己酉。丁宋神宗熙寧二年。至今六百二十一年。延久四。

白河院 御諱貞仁。後三條太子。母曰藤原茂子。帝踐

祚。親政務。卿相備具。甚信佛乘。寫經造寺。在位十四

年。讓位太子善仁。稱太上天皇。後薙髮爲僧。號融觀。

稱白河法皇。崇德院時號本院。在鳥羽。號城南離宮。帝雖遜

位。尚預聞政事。禁中。執政悉咨決焉。聞政凡五十年。

大治四年崩。壽七十七。葬神樂岡陵。

元年癸丑。丁宋神宗熙寧六年。至今六百一十七年。

仍延久五年。一。承保三。承曆四。永保三。

應德三。

堀河院

御諱善仁。白河第二子。母曰中宮賢子。

源顯房女。

藤師實養為子。受白河禪。即位時負任餘黨清武衛弟家衛。

叛據金澤。源義家為奧州守。與弟兵衛尉義光討平

之。起永保二年。終寬治五年。奧州始安。帝雖踐位。法皇親政。不得

預聞。在位二十一年。壽二十九。崩于堀河院。火葬置

骨高隆寺。

元年丁卯。丁宋哲宗元祐二年。至今六百三年。

寬治七。嘉保二。永長一。承德二。康和五。

長治二。嘉承二。

鳥羽院

御諱宗仁。堀河太子。母曰藤原茨子。五歲即

位。萬機皆決於白河法皇。在位十六年。讓位太子顯

仁。為太上皇。號新院。白河崩。帝在院中聽政。後薙髮

為僧。號空覺。稱鳥羽法皇。在院三十四年。崩於鳥羽

安樂壽院。壽五十四。

元年戊子。丁未。徽宗大觀二年。至今五百八十二年。

天仁二。天永三。永久五。元永二。保安四。

崇德院

御諱顯仁。鳥羽太子。母曰藤原璋子。號待賢門院。

受鳥羽禪。五歲即位。白河鳥羽二帝相繼。在院聽政。

帝不得預。鳥羽上皇寵姬得子。

藤氏號美福門院。

生皇子體

仁。上皇甚鍾愛焉。遂使帝讓位於皇子。號新院。在位

十八年。保元元年。上皇崩。時關白藤賴長失勢怨望。

密勸帝圖復辟。欲遂己志。帝從之。徵郡國兵。欲復帝

位。遷白河殿。

源義朝

賴義玄孫。為義之子。

平清盛討破之。是歲。

帝南狩至讚州。長寬二年。崩于讚州。壽四十六。又號

讚岐院。

元年甲辰。丁未。宋徽宗宣和六年。至今五百六十六年。

天治二。大治五。天承一。長承三。保延六。

永治一。

近衛院

御諱體仁。鳥羽第八子。母曰美福門院得子。

藤氏有寵。故帝三歲即位。在位十四年。壽十七。

元年壬戌。丁宋高宗紹興十二年。至今五百四十八年。

康治二。天養一。久安六。仁平三。久壽二。

後白河院 御諱雅仁。鳥羽第四子。崇德同母弟。在位

三年。讓位太子守仁。在院聽政。薙髮號行真。後藤信

賴謀逆。帝幽于別館。二條院時。又為平清盛所遷。在鳥羽

殿。高倉院時。木曾義仲討平氏。恣橫。復幽帝五條館。後鳥羽院

時。板蕩播遷。殆無虛日。歷二條六條高倉安德。後鳥

羽五朝。建久三年崩。在院三十四年。壽六十六。

元年丙子。丁宋高宗紹興二十六年。至今五百三

十四年。保元三。

二條院 御諱守仁。後白河太子。母曰藤原懿子。受後

白河禪。即位。時藤信賴恃寵。欲為大將。不得。信賴怒。

乃與源義朝約。舉兵詣闕。幽二帝于別館。自坐御床。

恣作威福。平重盛討之。遂誅信賴。義朝亦敗死。帝納

近衛皇后藤原多子為后。上皇止之。帝不聽。自此兩

宮不和。在位七年。讓位太子順仁。尋崩。壽二十三。

元年己卯。丁宋高宗紹興二十九年。至今五百三

板。作播。

十一年。

平治一。永曆一。應保二。長寬二。永萬一。

六條院。御諱順仁。二條太子。母紀氏。二歲受二條禪。

即位。在位三年。依上皇之命。讓位東宮憲仁。時八歲。帝叔父。

為太上皇。號新院。帝時五歲未冠。安元二年崩。壽十

三。

元年丙戌。丁宋孝宗乾道二年。至今五百二十四

年。仁安三。

高倉院。御諱憲仁。後白河第五子。母曰建春門院平

滋子。上皇甚愛帝。故六歲為太子。遂受六條禪。即位。

時平家執政。恣虐無度。幽上皇于鳥羽。帝在位十二

年。讓位太子言仁。明年崩。壽二十一。葬清閑寺。

元年己丑。丁宋孝宗乾道五年。至今五百二十一

年。

嘉應二。承安四。安元二。治承四。

安德天皇。御諱言仁。高倉太子。母曰建禮門院平德

子。清盛。三歲受高倉禪。即位。時清盛專權。遷都福原。

屬攝。上下嗟怨。源賴朝起兵關東。據鎌倉。相。天下歸

之既清盛死。帝還洛陽。賴朝討平氏。威甚盛。平宗盛奉帝趣筑紫。復趨讚州。爲源義經所敗。乃至長州。帝遂投海崩。在位五年。壽八歲。時文治元年也。

元年辛丑。丁宋孝宗淳熙八年。至今五百九年。養和一。壽永二。

後鳥羽院

御諱尊成。高倉第四子。母曰藤原殖子。安

德西狩。法皇

後白河帝

以帝卽位。時年四歲。源義仲既討

平氏。凶恣亦甚。遷法皇五條館。後爲義經所殺。文治

二年。以賴朝爲諸國總追捕使。自是朝綱陵夷。政出

武臣。遂失天下。在位十五年。讓位太子爲仁。在院聽

政。承久中。平義時

賴朝家臣

在鎌倉專政。盡執兵權。帝憤

之。將討不克。義時遷帝隱州。延應元年。崩于隱州。壽

六十三。

初諡顯德院。

元年甲辰。丁宋孝宗淳熙十一年。至今五百六年。

元曆一。文治五。建久九。

土御門院

御諱爲仁。後鳥羽太子。母曰承明門院源

在子。四歲受後鳥羽禪。卽位。在位十二年。以上皇命。

讓位皇弟守成。上皇討義時。帝諫其不可。上皇不從。

卒至于敗。義時遷帝于土州。復徙阿州。寬喜三年崩于阿州。壽二十七。

元年己未。丁宋寧宗慶元五年。至今四百九十一年。

正治二。建仁三。元久二。建永一。承元四。

順德院。御諱守成。後鳥羽第三子。母曰脩明門院藤原重子。受土御門禪。卽位。承久三年。上皇將討義時。帝與其謀。義時遣將舉兵詣闕。遷帝于佐州。在位十一年。仁治三年崩于佐州。壽四十六。

元年辛未。丁宋寧宗嘉定四年。至今四百七十九年。建曆二。建保六。承久三。

九條廢帝。諱懷成。順德太子。在位三月餘廢。

後堀河院。御諱茂仁。高倉院孫。守貞親王。追尊爲後高倉院。

之子。母曰藤原陳子。年十歲。平義時迎而立之。在位十一年。讓位太子秀仁。文曆元年崩。壽二十三。

元年壬午。丁宋寧宗壽定十五年。至今四百六十八年。

貞應二。元仁一。嘉祿二。安貞一。寬嘉三。

廿四常葉書

三

廿四常葉書

帝王譜略國朝紀

三

貞永一。

四條院 御諱秀仁。後堀河太子。母曰藻壁門院藤原  
樽子。二歲卽位。上皇旣崩。帝外祖藤道家專權執政。  
在位十年崩。壽十二。葬泉涌寺。

元年癸巳。丁宋理宗紹定六年。至今四百五十七  
年。

天福一。文曆一。嘉禎三。曆仁一。延應一。  
仁治三。

後嵯峨院 御諱邦仁。土御門第二子。母曰源通子。四

條崩。無嗣。平泰時義時之子迎而立之。在位四年。讓位太

子久仁。在院聽政。二十年餘。文永九年崩。壽五十三。  
元年癸卯。丁宋理宗淳祐三年。至今四百四十七  
年。寬元四。

後深草院 御諱久仁。後嵯峨第二子。母曰藤原姞子。

受後嵯峨禪。四歲卽位。在位十三年。因上皇意。傳位  
皇太弟恆仁。在院不關政事。伏見踐祚。帝在院聽政。  
薙髮號素實。嘉元二年崩。壽六十二。

元年丁未。丁宋理宗淳祐七年。至今四百四十三

年。

寶治二。建長七。康元一。正嘉二。正元一。

龜山院

御諱恒仁。後嵯峨第三子。後深草同母弟。受

後深草禪。卽位。後嵯峨上皇在院聽政。帝在位十五年。讓位太子世仁。在院聽政。後薙髮爲僧。號金剛源。嘉元三年崩。壽五十七。

元年庚申。丁宋理宗景定元年。元世祖中統元年。至今四百三十年。

文應一。弘長三。文永十一。

後宇多院

御諱世仁。龜山第二子。母曰後京極女院

藤原侘子。受龜山禪。八歲卽位。弘安四年。元人入寇。伐我西鄙。遭風遁歸。士馬盡沒。在位十三年。讓位東宮熙仁。不關朝政。後二條立。復聽政事。後薙髮號金剛性。元亨四年崩。壽五十八。

元年乙亥。丁宋恭宗德祐元年。元世祖至元十二年。至今四百一十五年。建治三。弘安十。

伏見院

御諱熙仁。後深草第二子。母曰玄輝門院藤

原愔子。受後宇多禪。卽位。後深草上皇在院聽政。帝

在位十一年。讓位太子胤仁。後薙髮號素融。文保元年崩。壽五十三。

元年戊子。丁元世祖至元二十五年。至今四百二年。正應五。永仁六。

後伏見院 御諱胤仁。伏見太子。母曰藤原經子。受伏見禪。卽位。在位三年。讓位東宮邦治。時年十四歲。正慶二年。逼亂。共光嚴花園二帝。遷幸東國。尋還都。後薙髮號理覺。延元元年崩。壽四十九。

元年己亥。丁元成宗大德三年。至今三百九十一年。正安三。

後二條院 御諱邦治。後宇多太子。母曰西花門院源基子。受後伏見禪。卽位。時後深草龜山。後宇多伏見後伏見五帝尚存。皆在院中。龜山後宇多在院決政。帝在位六年。崩。壽二十四。

元年壬寅。丁元成宗大德六年。至今三百八十八年。乾元一。嘉元三。德治二。

花園院 御諱富仁。伏見第二子。母曰顯親門院藤原厚子。後二條崩。卽位。伏見上皇在院斷政。後後伏見

上皇亦聽政。帝在位十一年。讓位東宮尊治。正慶二年。因亂幸東國。後薙髮號通行。貞和三年。崩于萩原仙洞。壽五十三。

元年戊申。丁元武宗至大元年。至今三百八十二年。

延慶三。應長一。正和五。文保二。

後醍醐天皇。御諱尊治。後字多第二子。母曰談天門院藤原忠子。受花園禪。卽位。時後宇多上皇在院斷政。平高時在鎌倉恣威虐民。人心離畔。帝與近臣謀。

將乘隙伐之。高時聞之。抗兵向關。帝逃笠置山。爲賊所獲。乘輿遂移隱州。近臣遭害。

元年己未。丁元仁宗延祐六年。至今三百七十一

年。元應二。元亨三。正中二。嘉曆三。

元德二。元弘一。

光嚴院。御諱量仁。後伏見太子。母曰廣義門院藤氏。先帝北狩。平高時立之。在位二年。先帝入洛。帝遜皇位。號太上天皇。年二十三。後薙髮號光智。貞治三年。崩于丹波州山國。壽五十二。

元年壬申。丁元文宗至順三年。至今三百五十八年。正慶二。

赴作幸。

後醍醐天皇。正慶二年。自隱州潛赴伯州。遂入舩上山。山陰山陽吏民多從之者。遂起義兵。奉帝入京。再正帝位。恢復舊物。時新田義貞在野州起義兵。攻滅鎌倉。平氏畢戮。自是禮樂征伐。復歸天子。朝綱始正矣。帝既復辟。女謁盛行。賞罰不正。吏民復思平氏。源尊氏起兵叛。自號征夷大將軍。郡縣望風靡然應之。王師征討。卒不能克。兵威日振。帝遂遷幸吉野。披草萊。立朝廷。是爲南朝。建武五年崩。乃光明帝曆應元年也。

元年甲戌。丁元順宗元統二年。至今三百五十六年。

復元弘三年。卽正稱元弘慶二年。建武二。延元一。

光明院。御諱豐仁。後伏見第二子。光嚴院同母弟。先帝南遷。源尊氏立之。在位十二年。讓位太子興仁。薨。髮爲僧。康曆二年。崩于勝尾。壽六十。

元年丁丑。丁元順宗至元三年。至今三百四十三

年。

復建武四。一。曆應四。康永三。貞和四。

崇光院 御諱興仁。本名益仁。光嚴院太子。母曰陽祿

門院藤氏。受光明禪。即位。在位三年。南朝兵擁帝及

兩上皇光嚴去。幽帝于河州東。後薙髮為僧。應永

五年崩。

元年己丑。至今三百四十一年。

仍貞和五。一。觀應二。二年。用南帝正平六年。

後光嚴院 御諱彌仁。光嚴第三子。崇光同母弟。先帝

遜位。神器南遷。尊氏迎帝立之。時年十五歲。昔南朝

諸將。屢起兵來侵。乘輿播遷。在位二十年。讓位太子

緒仁。應安七年崩。壽三十七。

元年壬辰。丁元順宗。至正十二年。至今三百三十

八年。

文和四。延文五。康安一。貞治六。應安四。

後圓融院 御諱緒仁。後光嚴太子。母曰崇賢門院藤

氏。受後光嚴禪。即位。後光嚴在院聽政。時南朝政衰。

源義滿兵威大振。在位十一年。讓位太子幹仁。在院

聽政。明德四年崩。壽三十六。

元年壬子。丁明太祖洪武五年。至今三百十八年。

仍應安自五至七。三。永和四。康曆二。永德二。

後小松院

御諱幹仁。後圓融太子。母曰通陽門院藤

原嚴子。六歲受後圓融禪。卽位。明德中山名氏清反。事敗誅死。三年。大內義弘受義滿命。與南朝講和。南帝奉神器入洛。在位三十年。讓位太子躬仁。在院聽政。後薙髮爲僧。永享五年崩。壽五十七。

元年癸亥。丁明太祖洪武十六年。至今三百十七年。

仍用永德三年。一。至德三。嘉慶二。康應一。

明德四。應永十九。

稱光院

御諱躬仁。後改實仁。後小松太子。母曰光範

門院藤氏。受後小松禪。卽位。在位十六年。壽二十七。

元年癸巳。丁明成祖永樂十一年。至今二百七十七年。

仍用應永自二十四至三十四。十五。正長一。

後花園院

御諱彥仁。崇光曾孫。大通院榮仁親王孫。

後崇光院貞成子。母曰敷政門院藤氏。帝初在伏見

殿及稱光崩無嗣迎而立之時年十歲在位三十六年讓位太子成仁後剃髮爲僧文明二年崩壽五十二初諡後文德院後改今號

元年己酉丁明宣宗宣德四年至今二百六十一年

永享十二 嘉吉三 文安五 寶德三

享德三 康正二 長祿三 寬正五

後土御門院 御諱成仁後花園太子母曰嘉樂門院

藤氏受後花園禪卽位應仁中山名持豐與細川勝

元戰于洛陽宮觀廬舍煨燼無餘時四海鼎沸天下

無主帝綱之衰極于此焉帝在位三十六年而崩壽

五十九

元年乙酉丁明憲宗成化元年至今二百二十五年

仍寬正<sub>六年</sub>一 文正一 應仁二 文明十八

長亨二 延德三 明應九

後栢原院 御諱勝仁後土御門太子母曰源朝子後

土御門崩嗣位大永元年卽帝位在位二十六年崩

壽六十三。

元年辛酉。丁明孝宗弘治十四年。至今一百八十九年。

文龜三。永正十七。大永六。

後奈良院 御諱知仁。後栢原太子。母曰豐樂門院藤原藤子。後栢原崩。嗣位。天文五年。即帝位。時帝室彌衰。朝士寄食。多在列國。帝在位三十一年崩。壽六十三。

三。

元年丁亥。丁明世宗嘉靖六年。至今一百六十三

年。  
仍大永七。一。亨祿四。天文二十三。弘治三。

正親町院 御諱方仁。後奈良太子。母曰吉德門院藤原榮子。年四十二。嗣大統。立三年。即帝位。時足利既滅。織田豐臣相繼執兵權。列國分爭。于戈相尋。戰鬪不已。帝在位二十九年。讓位皇太孫周仁。文祿二年崩。壽七十一。

元年戊午。丁明世宗嘉靖三十七年。至今一百三十二年。

永祿十二。元龜三。天正十四。

後陽成院 御諱周仁。初名和仁。正親町孫。陽光院誠

仁親王之子。母曰新上東門院藤氏。初誠仁爲太子。

薨。故帝受正親町禪。卽帝位。文祿元年。豐臣秀吉遣

將伐朝鮮。丁萬曆二十年。我兵大捷。帝在位二十五年。讓位

太子政仁。元和三年崩。壽四十七。

元年丁亥。丁明神宗萬曆十五年。至今一百三年。

仍天正自十五至十九。五。文祿四。慶長十六。

後水尾院 御諱政仁。後陽成太子。母曰中和門院藤

氏。受後陽成禪。年十六。卽帝位。元和二年。大軍圍大

坂城。豐臣秀賴卒。自是四海寧一家。給人足。偃武修

文。民樂昇平。保元以降。三百年之戰爭。至此休矣。帝

在位十八年。讓位皇女典子。在院五十一年。延寶八

年崩。壽八十五。

元年壬子。丁明神宗萬曆四十年。至今七十八年。

仍慶長自十七至十九。三。元和九。寬永六。

明正院 御諱典子。後水尾皇女。東福門院源皇后之

出也。六歲受後水尾禪。卽帝位。寬永十四年。肥州嶋

原民惑於妖術。嘯聚謀叛。尋誅死。帝在位十四年。讓位東宮紹仁。在院五十三年。元祿九年。丙子十一月崩。壽七十二。

元年庚午。丁明思宗崇禎三年。至今六十年。

仍寬永自七年十四至二十。

後光明院 御諱紹仁。後水尾太子。母曰藤氏。園大納言基任之女。帝受明正禪。十二卽位。在位十一年崩。壽二十二。

元年甲申。丁明懷宗崇禎十七年。清順治元年。至

今四十六年。

正保四。慶安四。承應三。

後西院 御諱良仁。後水尾第二皇子。母曰櫛笥

隆方之女。帝初為親王。號花町。及後光明崩。無嗣。

卽位。在位八年。讓位皇太弟。在院二十三年。貞

享二年崩。壽四十九。

元年乙未。丁清順治十二年。至今三十五年。

明曆三。萬治三。寬文三。

太上皇 御名識仁。後水尾第十二皇子。母曰氏園

曰下。有達春門院四字

下三字一作

曰下。有新廣儀門院五字。

大納言基音之女。帝十歲。受後西院禪。承纂大統。在位二十四年。讓御位於皇太子。

元年癸卯。丁清康熙二年。至今二十七年。

仍寬文。自三年至十二年。延寶八。天和三。

負享三。四年。即今上皇帝元年。

今上皇帝。御名朝仁。上皇第五皇子。天和二年壬戌。

立為太子。負享四年丁卯。登極。明年改元元祿。上距

神武天皇元年。實二千三百四十九年。

元年丁卯。丁清康熙二十六年。至今三年。

仍負享四。一。元祿十六。寶永。

南朝。後醍醐帝避亂南狩。駐蹕于吉野。是為南朝始。

後醍醐丁丑。終後龜山院壬申。四主。五十六年。

明德三年。南北始一。

後醍醐天皇。御諱尊治。復辟後。政令不正。士民怨嗟。

源尊氏乘隙謀叛。起于關東。抗兵詣闕。帝避亂南幸。

入吉野觀心寺。立朝廷。置百官。在位二年崩。壽五十

一。

元年丁丑。丁光明帝。建武四年。元順宗。至元三年。

仍用上。有全一字。

至今三百五十三年。

仍延元自二至三一。

後村上天皇 御諱義良。後醍醐第七子。母曰准后廉子。後醍醐崩。卽位。時京軍屢侵。卒不能下。在位二十九年崩。

元年己卯。丁光明帝曆應二年。元順宗至元五年。興國七。正平二十二。

成。一作。

長慶院 御諱寬成。後村上太子。在位五年。讓位其弟熙成。出奔。

元年戊申。丁後光嚴應安三年。明太祖洪武元年。仍正平二十三。二。建德二。文中一。

後龜山院 御諱熙成。長慶院弟。時國威漸衰。諸將歸洛。在位二十年。奉神器入洛。南北始一。

元年癸丑。丁後圓融應安六年。明太祖洪武六年。仍文中二。二。天授六。弘和三。元中九。

國朝將軍載記

鎌倉

足利

織田

豐臣

**鎌倉**源賴朝治承中舉兵滅平氏據鎌倉文治二年

丙午為諸國總追捕使卒有天下傳三世其後

諸王藤氏相繼為將正慶二年癸酉源義貞滅

之三姓九主凡一百四十八年舊以治承四年

云百五十四年然賴朝為總追捕使自是祿去王室實興亡之機也故斷以此為始云

源賴朝清和帝之裔而義朝之子也初為右兵衛佐

上西門院藏人平治中藤信賴與義朝約欲誅平清

盛事敗義朝為家臣所弑尾州野間家人長田忠宗弑之年三十八賴朝

為平氏所獲池大納言平賴盛家人彌平兵衛宗清獲之貶于豆州時年

十四治承四年庚子平氏愈肆僧文覺勸起義兵潛

赴福原受後白河上皇命舉兵討平氏卒制四海文

治二年自壽為諸國總追捕使郡國置守庄園置監

自是天下大政悉歸鎌倉建久三年任征夷大將軍

正治元年薨在職十四年以治承四年為始則九年壽五十三官

至正二位權大納言右大將

賴家賴朝長子賴朝薨嗣職為征夷大將軍外祖平

時政執柄。既賴家罹疾。以關東與其子一幡。關西與  
弟實朝。時政聞之。殺一幡外祖父比企能員。遂弒一  
幡。賴家大怒。將討時政。不能。母夫人政子廢之。囚于  
豆州修禪寺。明年。為實朝時政所弒。在職五年。壽二  
十三。時元久元年也。官至從二位。

實朝 賴家弟。賴家既廢。時政等立之。為征夷大將軍。  
時外戚北条專權。遂擅國政。承久元年。詣鶴岡八幡  
宮。為別當公曉所弒。公曉賴家次子。在職十七年。壽二十八  
官至正二位右大臣。號鎌倉右大臣。至是源記遂終。

北条擅政。三主三十四年。

平政子 賴朝夫人。而時政之女也。實朝既薨。迎藤賴  
經立之。賴經尚幼。夫人垂簾聽政。號二位禪尼。聽政  
八年。嘉祿二年薨。壽六十九。

藤賴經 光明峯寺關白道家第四子。賴朝女兄曾孫。  
實朝既弒。政子義時迎之嗣位。時年二歲。嘉祿二年。  
任征夷大將軍。是歲。政子薨。賴經聽政。在職十八年。  
寬元元年。讓職于世子賴嗣。後歸洛。康元元年薨。壽  
三十九。官至從二位權大納言。

甘雨亭叢書  
賴嗣 賴經之子。受賴經讓。寬元二年。任征夷大將軍。在職八年。去位歸洛。官至從三位左近衛中將。康元元年薨。壽十八。

宗尊親王 後嵯峨第一皇子。建長三年。賴嗣歸洛。明年平時賴迎之。爲征夷大將軍。時年十一。在職十五年。文永三年。讓職世子惟康。十一年薨。壽三十三。惟康親王 宗尊子。文永三年。任征夷大將軍。時年三歲。後賜姓源。在職二十四年。正應二年。罷職歸洛陽。正中二年薨。壽六十二。官至正二位中納言。右近衛

大將。

久明親王 後深草院第二子。正應二年。年十六。平負時迎爲征夷大將軍。在職二十年。延慶元年。罷職歸洛。嘉曆三年薨。壽五十五。官至一品式部卿。

守邦親王 久明子。延慶元年。任征夷大將軍。是時北条氏奕世秉政。高時兇虐尤甚。源義貞舉兵滅之。平氏畢戮。於是天子親政。時光嚴帝正慶二年也。是歲守邦薨。壽三十三。此後有護良成良二皇子。任征夷將軍。以天子親政。故不列焉。

足利近衛帝久安中。源義國移居下野州足利。其子

甘肅亭書

義康號足利氏。其後尊氏起兵討北条。據鎌倉。卒

有天下。居洛陽。○始建武二年乙亥。終天正元年

癸酉。十五主。共二百三十九年。平信長代之。足利世統。

世多以建武二年為始。以永祿八年義輝之弒為終。除義昭日二百二十一年者。非也。今改之。

源尊氏。初名高氏。後醍醐帝賜御諱尊字。改今名。

清和帝十五世裔。而讚岐守貞氏之子。初屬平高時

麾下。欲犯笠置皇居。既怨高時。請討之。帝允之。任治

部卿。賜武常下總三州。時北条既滅。天子親政。二年。

建武二年。詔管領關左八州。遂自稱征夷將軍。源義

貞上言尊氏偽曲。且告其誣害皇子護良。後醍醐皇子。號大塔

宮。帝大怒。削其官爵。遣義貞討之。延元元年。與州國

司源顯家舉兵來會。共討尊氏。尊氏大敗。逃于九州。

稍稍召聚西海山陰陽三道士民。與弟直義舉兵到

兵庫。與楠正成戰于湊川。正成死之。義貞敗走。是歲

尊氏立光明帝即位。後醍醐帝南遷。曆應元年。補征

夷大將軍。在職二十四年。延文三年薨。壽五十四。官

至正二位權大納言。號等持院。贈大政大臣。舊日在職二十

五年。今除建武親政。以乙亥為始。故曰二十四年。

甘肅亭書

帝王譜略國朝紀

源

西海之上。  
恐有脫字。

義詮 尊氏長子。小字千壽王。尊氏在京北西海。義詮在鎌倉。管領東國。延文三年。襲職任征夷大將軍。在職十年。貞治六年薨。壽三十八。官至正二位權大納言。贈左大臣從一位。號寶篋院。

義滿 義詮子。童名春王。幼嗣父位。細川頼之輔佐之。整齊紀綱。群下懾服。應安元年。任征夷大將軍。先是菊池氏在九州。立南朝。後村上皇子良懷為王。義滿遣兵討之。卒平九州。後移館花亭。號室町殿。在職二十六年。應永元年。讓職。世子義持。任太政大臣。薨。涼

號道義。居于北山鹿死寺。故號北山殿。義持雖襲位。庶政皆稟決於北山。是皆屢通使幣于明國。十年。明成祖皇帝以書告。即位于本國。十五年。薨于北山。壽五十一。帝輟朝數月。尊為太上天皇。義持辭之。號鹿苑院。明成祖諡曰恭獻王。

義持 義滿長子。應永元年。襲位為征夷大將軍。時年九歲。義滿聽政三十年。罷政讓于世子義量。後六年。正長元年薨。壽四十二。官至從一位內大臣。號勝定院。贈太政大臣。

兩亭書

卷

義量 義持長子。應永三十年襲位。任征夷大將軍。父  
義持聽政三十二年薨。在職僅三年。壽十九。官至參  
議右中將。贈左大臣從一位。號長得院。

義教 義滿第三子。初為僧。號義圓。為天台座主。義量

薨。義持聽政四年。正長元年薨。管領迎義圓還俗。更

名義宜。嗣義持位。明年永享元年。任征夷大將軍。改

今名。在職十四年。嘉吉元年。欲割赤松滿祐。則祐

地。播州。封其族貞村。則祐兄貞範之曾孫也。滿祐銜之。饗義教於

私第。酒酣。放廐馬逸。乘眾駭。遂弑之。壽四十八。官至

左大臣從一位。贈太政大臣。號普廣院。

義勝 義教長子。義教薨。管領奉之。嗣父位。時年八歲。

嘉吉二年。任征夷大將軍。明年墜馬薨。壽十歲。官至

從四位下左近衛中將。贈左大臣從一位。號慶雲院。

義政 義勝弟。義勝薨。乃襲職。初名義成。後改今名。文

安元年嗣位。寶德元年。任征夷大將軍。應仁中。細川

勝元與山名持豐戰于洛。天下大亂。既而兩將病死。

京畿寧謐。自應仁元年。至文明五年。罷政。退居東

山。號東山殿。在職凡三十年。後十八年。延德二年薨。

兩亭書

帝王譜略國朝紀

卷

壽五十六。官至左大臣。從一位。準三宮。贈太政大臣。  
號慈照院。

義尚。義政長子。文明五年。義政罷職。義尚補征夷大將軍。時年九歲。十一年。始親政。後改名義熙。延德元年。伐江州。六角高賴。薨于鈎里陣中。在職十七年。壽二十五。官至從一位內大臣。贈太政大臣。號常德院。

○義視。義政弟。初爲僧。號義尋。義尚薨。義政召之入洛。延德三年薨。

義植。初名義村。後改義尹。又改今名。義政之姪。義視

之子也。延德二年。義政薨。補征夷大將軍。明應二年。

往河州。伐畠山。彈正義。豐不利。爲細川政元所擒。潛

逃往防州。寓大內。義興。在職四年。後再任職。王代一覽。義村

作材。今從家譜。

義澄。義政弟。義視之子。初名義通。更義高。後更今名。

明應二年。細川政元廢義村。立義澄。是歲。任征夷大

將軍。永正五年。義植入洛。義澄出奔于江州。在職凡

十六年。八年。薨于江州。岳山。壽三十二。官至從三位

參議。左近衛中將。贈太政大臣。從一位。號法住院。

甘雨亭叢書

三

義植 永正五年大內義興奉義植自防州入洛再任  
征夷大將軍大永元年奔淡州號嶋公方在職十四  
年三年薨于阿州撫養壽五十八官至從二位權大  
納言贈太政大臣從一位號惠林院

義晴 義澄子義植養為子大永元年任征夷大將軍  
時年十一天文十五年讓職于世子義輝在職二十  
六年十九年薨于江州穴太山壽四十官至大納言  
兼右近衛大將贈左大臣從一位號萬松院

義輝 義晴長子初名義藤天文十五年任征夷大將

軍時群雄割據海內分爭于戈日尋兵革不休織田  
在尾  
濃今川在遠駿武田在甲信北条據關左八州佐竹  
在常州韋名在會津長尾在越後朝倉在越前畠山  
分居河能二州陶氏據防長毛利起安藝尼子在雲  
州略隱石伯三州大友據豐後龍造寺在肥前嶋津  
氏在薩摩永祿八年憤三好松永擅權茂上欲去之反為  
所擊卒自殺在職二十年壽三十官至參議左近衛  
中將贈左大臣從一位號光源院

義榮 義輝薨永祿十一年任征夷大將軍  
是歲卒

義昭 義輝之弟初為僧在南都名覺慶永祿之變還

甘雨亭叢書  
俗改今名。十一年爲平信長所立。任征夷大將軍。在職六年。天正元年。欲擊信長。信長至洛。義昭請和。信長許之。是歲。義昭遂守宇治。真木嶋城。復欲去信長。信長遣將攻之。義昭請降。慶長二年薨。壽六十一。官至從三位。權大納言。號靈陽院。

織田元曆中。平氏敗。清盛子中將資盛。同投海死。有子其母匿之。在江州津田。越前州織田神官養之爲子。相繼在越。及斯波氏領越。其子孫事斯波氏。自此漸昌。傳至信長。遂制宇內。居安土。○

始天正元年癸酉。至十年壬午。明智光秀弑之。

平信長

桓武帝三十二世胤。而平清盛之後。彈正忠

信秀之子。其先居織田。故稱織田氏。初有尾濃二州。

後滅今川義元。降齋藤龍興。道三之子。擊佐佐木承禎。迎

義昭爲將軍。義昭既奔。四方藩鎮。屬之麾下。誅松永

久秀。滅武田勝賴。其餘戰略。不可勝紀。天正十年。在

洛本能寺。爲日向守明智光秀所弑。壽四十九。官至

右大臣正二位。贈太政大臣。從一位。號總見院。

○信忠 信長子。天正之變。自裁死。壽二十六。

○秀信 信忠子。信長薨。在濃州岐阜。稱岐阜中納言。慶長中。逃高野薨。

豐臣秀吉起于草莽。統制天下。居攝州大坂。○始天正十一年癸未。至慶長三年戊戌終。凡十六年。後十八年有大坂之變。

豐臣秀吉 所生未詳。或曰尾州人筑阿彌之子。初稱水下藤吉郎。後更稱羽柴筑前守。幼甚卑賤。事平信長。信長奇之。遂大任用。天正十年。與毛利輝元戰。在備中高松。聞信長遭弑。歸洛。遂誅賊臣。自是天下兵

權皆歸秀吉。滅柴田。殲北條。服伊達。從嶋津。戰略甚多。末年。赴肥前。名護屋。遣將擊朝鮮。走其王李昫。虜二王子歸。慶長三年。薨于洛。壽六十三。官至關白。太政大臣。從一位。諡豐國大明神。初姓平。後改藤氏。及任太政大臣。自稱豐臣氏。凡在職十六年。以秀吉既老。秀次爲關白。故稱大閤。

秀次 秀吉妹子。秀吉養爲子。秀吉既老。秀次爲關白。正二位右大臣。淫恣無度。凶虐尤甚。人或言其叛心。秀吉命薙髮爲僧。赴高野。尋自殺。時文祿四年也。

壽二十八。

秀賴 秀吉之子。慶長三年襲位。時年五歲。爲從二位右大臣。慶長五年。有關原之役。後十六年。有大坂之役。乃元和元年也。時年二十二。

帝王譜略國朝紀畢



群馬県立図書館



0295117-6